

**ZAPISNIK SA 32. SJEDNICE UO SAMOSTALNOG SINDIKATA RADNIKA U BHRT-u,
KOJA JE ODRŽANA U UTORAK 27.06.2017.GODINE**

Prisutni: D. Smital; E. Čengić; S.Topalić; Dž. Kahrica; N. Žuga; G. Brkić; N. Hodžić; B.Hamzagić; M. Grbo; D. Miljević M. Baručija;

Odsutni: M. K. Pašalić; O. Bukić; E. Fočo; N. Arnautović; N. Čordalija; - **opravdano**

Dnevni red:

1. Zapisnici sa 31. redovne sjednice, 9 vanredne sjednice i 10.vanredne sjednice
2. Aktualna situacija u BHRT-u
3. Finansije
4. Izvještaj i specifikacija BSO za maj 2017/ N. Žuga
5. Dodjela pomoći (N.Žuga, G.Brkić, M.Grbo)
6. Razno
 - Eko selo / prijedlog ugovora E.Čengić
 - Video mikseri / E.Čengić

AD 1. D.Smital je na osnovu člana 35. Statuta Samostalnog sindikata radnika u BHRT-u, otvorio 32. sjednicu UO SSR u BHRT-u i predložio dnevni red koji je jednoglasno usvojen. Zapisnici sa 31. redovne sjednice, 9 vanredne sjednice i 10.vanredne sjednice UO su jednoglasno usvojeni.

AD 2. Rukovodstvo Samostalnog sindikata radnika u BHRT-u (D.Smital, S.Topalić, Dž.Kahrica) je uzelo aktivno učešće u radu konferencije koja je održana u zgradi BHRT-a. Na kraju konferencije su predložene hitne i dugoročne mjere za opstanak javnog servisa.

Na prijedlog našeg Sindikata usvojene su slijedeće urgentne mjere:

- tražiti od Vijeća ministara da po hitnom postupku izdvoji finansijsku pomoć kako bi bila pokrivena dugovanja BHRT-a,
- tražiti od Parlamentarne skupštine BiH usvajanje amandmana na zakon o javnom RTV sistemu koji će osigurati stabilno i adekvatno finansiranje javnih servisa, stvoriti zajedničku službu sva tri javna emitera za prikupljanje RTV takse i osigurati prikupljanje RTV takse preko računa za električnu energiju,
- tražiti od Parlamenta FBiH izmjenu Zakona o izvršnom postupku na način da se RTV taksa smatra vjerodostojnom ispravom (član 29, stav 2 zakona).

Također, djelimično je usvojen naš prijedlog u kojem smo tražili da se iz budžeta finansiraju dugovi i članstvo prema EBU, tako da je usvojen zaključak da Vijeće ministara bude garant otplatnom planu duga BHRT-a prema EBU, čime bi se okončale sankcije EBU-a prema BHRT-u.

Rukovodstvo sindikata (D.Smital, Dž.Kahrica) je upoznalo članove UO o sastancima sa generalnim direktorom B.Karamehmedovićem u vezi aktuelne situacije u BHRT-u i Pomoćnicom za razvoj Dž.Jusufbegović u vezi minimuma procesa rada. Zbog ranije preuzetih obaveza, sastancima nisu mogli prisustvovati S. Topalić i E. Čengić. Prema rječima generalnog direktora isplata plate do kraja mjeseca zavisi od priliva sredstava i u toku su pregovori u vezi rješavanja problema RTV takse obzirom da je priliv sredstava minimalan. Dž. Jusufbegović će upoznati i poslati upit advokatu u vezi naših zahtjeva za minimum procesa rada kako bi svi uposlenici za vrijeme štrajka imali jednaka prava a da se minimum procesa rada ispuni.

Rukovodstvo sindikata je pripremio dopis reakciju za majsku platu koji bi se uputio generalnom direktoru i UO BHRT-a a u kojem stoji: UO Samostalnog sindikata radnika u BHRT-u, ukoliko plata za mjesec maj ne bude isplaćena do kraja juna, zahtjeva od UO i menadžmenta BHRT-a da se preduzmu hitni koraci u cilju pronalaska trajnog rješenja za katastrofalno finansijsko stanje u BHRT-u, kako bi zaštitili BHRT i njegove radnike. Podsjećamo da je rukovodstvo Samostalnog sindikata radnika u BHRT-u 04.05.2017 godine održalo sastanak sa UO i generalnim direktoru BHRT-a zbog katastrofalne finansijske situacije u BHRT-u. Na tom sastanku je dogovoreno da će se u narednih 7 dana znati koji su slijedeći koraci UO i menadžmenta BHRT-a i da već imaju pripremljen plan daljnjih aktivnosti u zavisnosti od razvoja situacije. Prijedlog dopisa je jednoglasno usvojen.

Prijedlog saopštenja za javnost, u kojem se izmedju ostalog od PS BiH zahtijeva da se sazovu hitne sjednice oba doma PS BiH, na kojima bi se donijele izmjene zakona o Javnom RTV sistemu, na način kako je predloženo urgentnim mjerama koje su usvojene na konferenciji, je jednoglasno usvojen. S. Topalić je zbog poslovnih obaveza izašla sa sjednice UO.

AD 3 Izvještaj o finansijskom poslovanju sindikata za maj 2017. primljen je k znanju.

AD 4 Izvještaj o poslovanju sa BSO osiguranjem za mjesec maj 2017 je primljen k znanju.

AD 5. Prijedlog komisije za dodjelu finansijske pomoći (N. Žuga, G. Brkić, M. Grbo) da novčanu pomoć dobiju sljedeći članovi; Rankica Jagličić 200 KM II dio (3x200 KM), Samir Macić 300KM. Ukupno 500 KM. Prijedlog komisije za dodjelu finansijske pomoći jednoglasno je usvojen. M. Baručija se pridružio sjednici UO.

AD 6. E. Čengić je uputio formalni poziv za saradnju Eko selu na Boračkom jezeru i dobio je povratnu informaciju da su voljni napraviti ugovor sa sindikatom za naše članstvo. UO je jednoglasno donio zaključak da Dž. Kahrica i E. Čengić obave razgovor sa direktorom Eko sela zbog moguće saradnje.

-E. Čengić je iznio problem trojice Video miksera koji sa ugovorom asistenta produkcije obavljaju najsloženije poslove u ovom odsjeku te predložio UO sindikata da se pošalje molba generalnom direktoru za rješenje ovog problema tj. dobijanja ugovora Video miksera. Uslijedila je duža rasprava u kojoj su pojedini članovi UO iznijeli da trenutno ima bitnijih stvari obzirom na trenutnu finansijsku situaciju u BHRT-u, da bi se ovaj problem trebao pokušati riješiti na nivou cijele kuće, jer se u svim dijelovima BHRT-a susrećemo sa istim ili sličnim problemima, da bi u slučaju parcijalnog rješavanja ovih problema došlo do bespotrebnog podizanja tenzija unutar članstva sindikata, kao i da bi se vjerovatno već na narednim sjednicama našli prijedlozi za napredovanje iz svih drugih dijelova BHRT-a. E. Čengić je nakon rasprave o ovom prijedlogu, povukao ovu molbu, iako je više članova UO tražilo od njega da ne povlači prijedlog i da se isti da na glasanje. D. Smital je predložio zaključak da na jednoj od narednih sjednica UO sindikata posebna tačka bude napredovanje u BHRT-u. Zaključak je usvojen sa 8 ZA, 1 PROTIV, 1 SUZDRŽAN.

-D. Miljević je upoznao UO Sindikata o uslovima rada u ITC BL. Zbog nedostatka rashladnog sistema, velike su vrućine u IT Centru i uslovi za rad su nemogući. UO Sindikata je jednoglasno usvojio prijedlog E. Čengića da se pošalje dopis generalnom direktoru sa molbom za rješenje ovog problema uz dostavu i ponude/predračuna od strane kolega iz Banja Luke kako bi se ovaj problem pokušao riješiti.

Izvršni sekretar
SAMOSTALNOG SINDIKATA
RADNIKA U BHRT-u
Elvis Čengić

Predsjednik
SAMOSTALNOG SINDIKATA
RADNIKA U BHRT-u
Damir Smital